


建炎以來朝野雜記

二





記雜野朝來以炎建

(二)

撰傳心李

# 建炎以來朝野雜記甲集卷七

## 時事

### 張魏公誅范瓊

范瓊者山東人。靖康初，金人入侵。瓊以萬人勸王拜京城都巡檢使。二帝北狩，張邦昌僭立。瓊實與其謀。以此遷神龍衛四廂都指揮使。高宗卽位，釋其罪，以爲御營平寇前將軍。明年冬，俾將兵北伐。瓊至東平，敵方盛，遂自淮西間道移江東，日以聲色自奉。又轉而之江西。苗劉旣誅，呂安老爲諫官，首奏其罪。且有取瓊之策。時陳待制戡爲監察御史，奉詔召瓊入朝。瓊陳兵以待，剝人以懼之。陳不爲動。徐謂瓊曰：將軍不見苗劉之事乎？願熟計之。乃引兵趨行在。旣至，未冝釋兵。因奏乞貸管軍左言等朋附苗劉之罪。又言招盜賊十九萬人，皆願聽臣節制。上駭而怒。於時呂忠穆爲相，張忠獻在樞密。忠獻奏瓊大逆不道，罪惡貫盈，今釋不誅，他日必有王敦蘇峻之患。上許之。呂公奏曰：臣與瓊舊有嫌，不敢獨任其事。願付張浚、劉彥沖、彥沖時權樞密院檢校。忠獻退，召彥沖謀之。夜鎖吏於府中，使爲榜劄，勅書皆備。明日朝退，乃遣神武右軍都統制張俊以千人渡江。若捕他盜者，使其衆甲以來自來。因召御營副使劉光世及瓊赴都堂計事。瓊從兵溢塗巷，意氣自如。食已，忠獻等相顧未發。彥沖坐廡下，恐事覺，遽取寫敕黃紙，詣前揖瓊，下謂曰：

有敕將軍可詣大理置對。瓊胎愕，彥冲已揭榜，疏其罪狀於省門。忠獻使光世出撫其衆，曰：「所誅者止瓊耳。若等固天子自將之兵也。」衆投刃曰：「諾。」卽分其兵隸神武五軍。械瓊送棘寺後，五目有詔賜死。中外快之。先是國威不立，諸大將多假蹇不恭，及瓊就誅，始知有國法矣。

處州義役 德興義役

乾道中，范文穆成大知處州，言松陽縣民輸金買田，以助役戶，爲田三千三百畝，有奇，排比役次，以名聞官，不煩差科，可至一二十年者，請命諸縣通行之。事下戶部看詳，蓋江浙民久病差役，催科往往破家竭產，用是良民憚役，爭訟囂然。故文穆以爲言，然事未下也。及文穆爲中書舍人，復言處州六邑義役已成，可以風示四方美俗，興化請命守臣胡沂，以其規約來。上從之。乾道七年正月淳熙初，知州事陳孺還朝，乃言民間貧富不均，今止據舊規差役，爭訟不已，請依舊法，以物力資次差募，事下常平司。二年二月已而用言者請命郡太守務在必行，有能率先，量與推賞。六年正月言者又請有罰以禁其沮敗，許之。六年二月於是知常州李結請捐官田予民，以充義役，自兩浙始。先以本州未經佃戶，官田二十餘萬畝，均給義役，事下版曹給舍議。遂命結措置以聞。六年正月而卒不能行。久之，處之布衣，上書申言義役事，甚詳。八年十月詔知州事季翔修義役事，翔因請民田百畝，毋問其官民，並僧道皆出田二畝，以助保正長官，爲置坵基籓，子孫毋得覬覦。此法一成，可爲數百年之利也。上許焉。然官民僧道既出了役錢，又取其田以助役，是再役也。議者謂官吏

科需法所當禁。何立法以助之。由是處州舉人經御史臺訴其擾。十年翔不以爲然。執政王魯公等皆是翔。時蔣尙書繼周爲右正言。因力論其擾民。請罷翔議。令兩浙見行助役去處。聽民從便。官司不得預。或有爭訟。令郡縣如著令行。十五年冬十月也。先是我先君子爲饒州德興宰。奉詔舉行義役事。乃令民以田之多寡爲役之久近。如多者役二年。少者不過役三月。又自三等以上各戶。賦輸皆與之期。不以委之保正。至則隨手給鈔。卽資民一錢用是稅節賦。時以後爲恥。而保正之趨役亦爭先而不辭也。邑人繪先君之像祠焉。太府寺丞浮梁程宏圖爲之記。今二十年矣。其義役規約故在。當有能舉行之者云。



# 建炎以來朝野雜記甲集卷八

## 雜事

### 宇文肅愍死事

建炎初。宇文樞密虛中。應詔使北虜。人畱之。後以爲樞密使。紹興中。虛中陰結中原忠義。欲竢彼郊。天日舉事。而使朝廷應之。先以蠟書來上。秦會之用事。遽繳其書。遺虜人。高宗不之知也。會虛中事亦自泄。虜族其家。株連死者甚廣。淳熙中。孝宗念其忠死。始贈開府儀同三司。諡肅愍。且爲置後。其孫紹節。今爲右司郎中。繳還蠟書。諡議云爾。而或謂未必然。蓋自露耳。

### 何文縝建元帥議

靖康中。何文縝初相。虜再犯京師。康王在河北。文縝請以帛書拜王爲大元帥。淵聖可之。文縝既北去。御筆藏於其家。紹興中。文縝之弟榘。持詣秦丞相。乞進於朝。秦方主和。惡聞其事。抑不奏。秦死。榘知萬州。乃申建康。乞會申王府御筆所在。秦氏取而還之。淳熙十二年。洪端明領史院。請下隆州。索其書。編於中興日曆。榘子通判邛州事。令修以聞。詔付史館。遷令修一秩。知邛州云。

### 朝士投匭免知在

故事臣民投匭上書者。皆從檢院押出召保。乃許自便。紹興三年秋。地震。求直言。太常少卿唐恕應詔上封事。檢院官以故例待之。辛閣學炳時爲臺端。言有虧禮意。請行在職事。釐務官上封事者。並實封牒送檢鼓院投進。不在召保。知在逐便之限。從之。

大臣奪情服終

故事大臣奪情者。服造光幘。緜紫袍。皂角帶。道君惡之。政和末。始議以入公官。不應變服。遂以吉服朝。然居家猶喪服也。紹興初。朱藏一起復右僕射。請所服。太常遂援政和近事爲請。而居第則緜服去佩焉。議者不以爲是。

趙元鎮用伊川門人

趙元鎮初相。喜用程伊川門下士。當時輕薄者。遂有伊川三魂之目。謂元鎮爲尊魂。王侍郎居正爲強魂。以其多忿也。謂楊龜山爲還魂。以其身死。而道猶行也。時龜山初亡。朱內翰震冒於朝。恩數甚厚。故有還魂之目焉。

鄭亨仲欲併掌利權

建炎中。張魏公爲宣撫處置使。節制川陝京湖十三路。便宜黜陟。魏公既罷。其後去便宜。猶於兵民財無所不總。故其權常重。若財賦舊以都轉運使領之。然大抵皆隸宣撫司。紹興中。秦會之既與鄭亨仲有間。



十五年十一月始命趙侍郎不弃以太府少卿爲四川宣撫司總領官。蓋陰奪其柄。亨仲不悟也。趙入疆移文宣撫司用平牒。亨仲見之愕而怒。久之始悟其不隸已也。十八年宣撫司罷。又改爲總領四川財賦餼糧。蓋自爲一司。迄今不改。然自辛巳用兵後。凡文臣執政官爲宣撫使。則總領官用申狀。受約束。武臣爲宣撫使。則抗禮平牒焉。

### 節度使以軍禮見宣撫

紹興中。鄭亨仲爲川陝宣撫副使。大會諸將閬州。時吳武順璘、楊襄毅浩、郭恭毅浩皆以節度使來會。亨仲坐堂上。吏贊客。亨仲遽與日高猶不出。旣而政先執挺謁。亨仲乃受之。尋與璘、浩循塔以客禮見。蓋璘時以右護軍都統制駐武興。浩以樞密院都統制駐漢陰。而政在漢中。實宣撫司都統制故也。十八年始有旨。並稱某州。駐劄御前諸軍都統制。然詣宣威府悉趨庭焉。論者以鄭爲得體。

### 虞井甫長者

虞井甫丞相仕未達。嘗調官臨安。攜所注新唐書以干秦丞相。書未上。會其同舟者竊得本以獻秦。井甫知之。乃更以他書爲贄。已而竊書者先去。疑井甫必怨已。遇士大夫輒詆之。井甫還。知渠州。過夔。沈守約丞相爲帥。問井甫以同舟之爲人。井甫稱其美。守約屢語之。井甫不變。守約曰。是人毀君不容口。君毋爲過情。井甫曰。渠所長甚多。但差好罵耳。守約太息。稱其長者。未幾。守約入參大政。白召井甫爲祕書丞。以

至大用云。

陳魯公鎮物

紹興末。金海陵煬王臨江。中外懍懼。朝士多遣家爲避兵計。時陳魯公爲左相。獨鎮之。以靜人心。少安。一日。邊郡羽書來上。趣召輔臣。公獨後至。中使屢趣之。陳行愈益緩。上嘗夜出手札欲散百官。浮海避敵。公對中使取御札焚之。當是時。都人將遁去。賴陳不爲搖。都人乃止。北虜退。獨公與黃通老家屬在城中。

張魏公薦士

隆興初。張忠獻公再入爲右相。上注意甚厚。使公條奏人才可用者。公奏虞雍公。文允陳魏公。廂俊汪端明。辰王詹事。十張尙書。剛可備執政。劉觀文。珙王閣學。大杜殿院。華起宜卽召還。胡資政。銓可備風憲。張舍人。祥可付事任。馮提刑。時馮少卿。方可備近臣。朝士中林侍郎。栗王侍郎。相莫少卿。冲可任臺諫。皆一時選也。時劉、王、杜三人皆以論事去國。故公請召之。其後悉爲名臣。終孝宗朝不顯用者。數人而已。

趙溫叔使北

趙溫叔爲舍人。使北還。入見。上問朕何如。萬王溫叔奏曰。臣觀萬王望之不似人君。規模氣象不及陛下萬一。中原不日可復也。臣敢再拜賀。上大悅。

韓子師折北使

淳熙中北人有舉進士第一者。記其姓名不審奉使來賀正旦。自負其辯。頗凌慢王人。時韓彥古子師館伴。一日北使自謂其廷試賦。雲屯一百萬騎。日射三十六熊之句。以爲警策。子師遽曰。一百萬騎僅能得三十六熊。何其尠也。虜使惘然。熊射侯也。韓不學。妄以爲熊羆之熊。故北使猝無以應。然自是辭色頗恭。時人亦多韓之敏捷。

### 蘇文忠贈官

乾道末。蘇文忠特贈太師。世或不知其所以。蓋仁宗時。蘇儀甫嘗爲翰林學士。元祐中以其子子容貴。贈太師。始儀甫嘗遊金山。題詩曰。僧依玉鑑光中住。人在金鼇背上行。至是蜀僧寶印往金山。摘其詩。名軒爲玉鑑。又囑張安國大書而刻之。張跋云。此時翰林學士贈太師蘇公所賦也。碑成。僧摹以遺大璫。甘昇一日。上過其直廬外。望見索觀之。意以爲文忠也。時文忠曾孫季真爲給事中。他日上更書文忠詩以賜。又識其末曰。故贈太師蘇軾詩。季真拜賜。疑之前。白曰。先臣紹興初。嘗贈資政殿學士。未嘗贈太師。今蒙聖恩。乞自朝廷行下。上愕曰。朕記贈太師久矣。季真不敢白。間爲執政言之。執政因奏以爲言。上始喻金山寺詩乃蘇紳也。因卽曰。如軾名德昭著。亦當贈太師。於是降旨施行。然上雅實敬文忠。居常但稱子瞻。或稱東坡。舍人草制有曰。人傳元祐之學。家有眉山之書。蓋詞頭無所憑。故但爲好語耳。

### 保任京官連坐

保任京官犯賊連坐。舊制也。然近歲未有舉行者。淳熙初，錢師魏參政事，會其所舉者以賄敗，上疏自劾。詔特鑄三官，吏部因以他舉官名聞，皆坐降秩。紹熙初，趙溫叔所舉以賊抵罪用，故事當削三秩，而溫叔時爲使相，若降三秩，則應落袞鉞爲銀青光祿大夫，朝廷難之。於是自衛國公降封益州郡公，削其食戶二千而已。其後周洪道連坐，亦自益國公降封滎陽郡公，蓋用溫叔例。益大國視郡公爲三資，衛國故并削封戶。

張敬夫遺表

張敬夫帥荊州，唐子春疾甚，數勾免，不許。將死，自作遺表來上，邸吏以庶寮不得上遺表，卻之。上迄不見也。其表曰：再世蒙恩，一心報國，大命至此，厥路無由，猶有微誠，不能自已。伏望陛下親君子，遠小人，信任絕一己之偏，好惡公天下之見，永清四海，克鞏丕圖。臣死之日，猶生之年，敬夫言不亂如此。所謂古之遺忠矣。敬夫卒之四日，上聞知其疾病，乃拜右文殿修撰奉祠。敬夫始以父任爲右承務郎，平生未嘗乞磨勘，上知之，其在廣西特進二秩，爲承事郎，故職雖高，終不得任子云。

王瞻叔與王時亨爭禮

自席大光後，成都守臣率兼四川大帥，惟本路監司以無轄之故，得就廳事所下馬。他路則不然，爲守者率侍從近臣，故監司見者必上喝，更乘小輿自側門入。紹興末，王時亨爲守，王瞻叔爲轉運副使，將穿戟，吏以故事白止之。瞻叔不平，他日檄府以某人案視金穀簿書，遂傳呼入戟，據廳設坐，而謂典謁吏曰：今

日轉運副使來點檢成都府公事。非見制置使也。時亨不能語。

### 郡守越境省親

故事守臣無得越境者。王正仲守揚。其親居潤。揚潤才隔一水。正仲因乞告省親。許之。乾道中。史丞相守紹興。援例省其母於四明明。越屬郡也。淳熙末。耿直之侍郎爲四明守。其父年九十矣。直之以親病。乞祠未聽。直之用故事謁告。歸江陰省親。上特許之。時有爲湖廣總領者。以母老請用季春至湖州迎侍。上亦許焉。孝宗錫類之施每如此。

### 奉祀汾陰寶

淳熙十四年春。有士人聶士愿者。獲一古印。以皇帝駕奉祀汾陰之寶九字爲文。重十三兩。士愿以爲真宗西祀所作。時吳少保据爲淮東總領。以五百千償士愿。取其寶獻於朝。詔藏天章閣。士愿以其寶生金所鑄。價未足。詣御史府訴之。蔣世修繼周爲中執法。請命有司覆實。且言祖宗遺寶。復歸中禁。縱使是銅。亦當薄賞。務重大體。豈校細微。事下工部。將作監覆實驗之。果銅也。乃詔士愿免罪。三月案汾陰記。封金匱用。受命寶。封石匱用。天下同文寶。此寶不見於記載。故朝論疑之。卒不加賞云。

### 陳子長築紹熙堰

兩淮土沃而多曠。土人且耕且種。不待耘耔。而其收十倍。浙民每於秋熟。以小舟載其家之淮上。爲淮民

穫田主僅收十五。他皆爲浙人得之。以舟載所得而歸。有張拐腿者。淮東土豪也。其家歲收穀七十萬斛。金人兵入。執得之。問以江南虛實。張不肯言。遂斲其兩股無餘。終不以告。乃舍之。後旣退師。張亦不死。淮民因謂之拐腿云。紹熙末。陳子長損之。提舉淮東常平。以淮田多沮洳。因築堤數百里。捍之。得良田數百萬頃。事聞。錫名紹熙堰。子長除直秘閣。淮東轉運判官。朝廷念淮民。至於捐其稅。

# 建炎以來朝野雜記甲集卷九

## 故事

### 潛藩州建軍府名

舊制天子卽位嘗所領州鎮自防禦州而下皆陸軍名若節鎮州則建爲府如英宗自齊州防禦使登極升齊州爲興德軍神宗自忠武軍節度使建儲升許州爲穎昌府之類孝宗受禪以始封洪鼎宣建州舊有軍額則建爲隆興常德寧國建寧府而劍州止升爲普安軍紹興中始再升爲隆慶府蓋用此制光宗自榮州刺史進封恭王今上自英國公出就傅後封嘉王四川皆爲支郡然三州躡升爲重慶英德嘉定府而榮州至今不錫軍名蓋中書之誤

### 百官轉對

故事百官五日一轉對紹興六年十一月詔百官應轉對而疾病者許封進文字更不引對其後秦相當國久惡聞人言於是百官當對者多託疾不上十七年八月詔自今當對而在告者疾瘳日上殿命吏部約束之然所對者不過大理寺官十餘人姑應故事而已自孝宗臨政垂意人才乾道淳熙間朝士抱才氣者皆以得見上爲喜而碌碌者頗以轉對爲憂然士大夫不爲大臣所喜者往往疾其對班將至預

徙佗官。至有立朝踰年而不得見上者。蓋輪其官而不輪其人。此立法之弊。

### 大臣賜書閣名

宣政間。大臣賜書閣。多得御筆閣名。若蔡京曰君臣慶會。王黼曰得賢治定。是也。紹興初。高宗以平江朱勔南園賜韓忠武。題其賜書閣曰懋功後秦。申王閣曰一德格天。楊和王閣曰風雲慶會。史會稽王閣曰明良慶會云。皇甫坦賜書閣名。紹興煥文。

### 宰臣生拜太師

國朝自建隆至紹禧。宰臣生拜太師者五人。爾趙韓王。普文潞公。彥博蔡魯公。京秦申王。楡史會稽王。浩惟蔡秦二人。以相臣特拜。其他皆還政加恩云。

### 親王生拜太師

本朝親王。生拜太師者五人。真宗朝楚王元佐。仁宗朝燕王元儼。哲宗朝吳王顯。欽宗朝燕王侯。越王偲。皆以父兄行。乃得之。紹熙中嗣秀王伯圭。以宗室特拜太師。蓋王於光宗爲親伯父。用優禮也。

### 建隆至嘉泰宰相數

國朝宰相。自建隆至嘉泰。凡一百有二人。前輩既自建隆元年至元祐五年。一百三十年。凡五十人。自元祐五年至紹興六年。四十六年。凡二十八人。以爲兩倍於前矣。自紹興七年至今嘉泰二年。六十六年。其



間宰相或席不暇煖而才二十有四人蓋秦會之獨相十八年故也。

### 中興宰相久任者

中興宰相二十九人自秦申王外在位踰三年者八人而已王魯公淳熙八年相十五年罷凡七年留衛公澹熙十五年相紹興五年罷京魏公慶元二年相六年薨皆五年陳魯公紹興二十九年相隆興元年罷凡四年虞雍公乾道五年相八年罷趙衛公淳熙五年相八年罷周益公淳熙十四年相紹興元年罷皆三年謝魯公慶元六年相至今亦近三年。

### 宰相位公孤封國

高宗宰相十五人惟秦會之爲太師呂元真爲少保其他未有至公相者而封國亦止二人秦益公檜孝宗宰相十五人其至公者五人而已史文惠太傅張忠獻陳正獻皆少師陳文恭虞忠肅皆少保然封國者已十人陳文公王文定皆封魯史文惠張忠獻陳正獻皆封魏湯特進封慶虞忠肅封雍文清封鄭趙開府封衛周少傅封許紹熙後宰相凡七人京仲遠以少傅封冀國公周洪道留仲至謝子肅以少保封益衛魯三國公葛楚輔余處恭官皆至特進宰相官爵之穹未有如近歲者也。

### 中興宰相封國數

中興宰相封國者有呂忠穆成秦申王莘衛慶張忠獻和湯特進榮陳文恭信福史郡王永魏陳正獻福申